

**GARIS PANDUAN KHAS
PERMOHONAN POTONGAN CUKAI PENDAPATAN
BAGI PROJEK KOMUNITI/ AMAL UNTUK MENANGANI WABAK COVID-19**

Garis panduan khas ini bertujuan untuk menerangkan syarat dan prosedur permohonan kelulusan potongan cukai di bawah Subseksyen 34(6)(h) Akta Cukai Pendapatan 1967 ke atas sumbangan yang dibuat bagi projek komuniti/ amal untuk menangani wabak COVID-19.

Kementerian Kewangan mengiktiraf bahawa inisiatif untuk menangani wabak COVID-19 adalah projek komuniti/ amal yang diluluskan di bawah Subseksyen 34(6)(h) Akta Cukai Pendapatan 1967. Oleh itu, penyumbang yang membuat sumbangan bagi tujuan ini adalah layak memohon potongan cukai daripada pendapatan kasar perniagaan suatu amaun bersamaan dengan amaun sumbangan yang dibuat.

SYARAT PERMOHONAN :

1. Pemohon Yang Layak:

Syarikat dan selain syarikat iaitu individu, perkongsian, badan amanah dan koperasi yang mempunyai pendapatan perniagaan.

2. Kriteria Projek Komuniti/ Amal Yang Layak:

Projek bagi membantu Kerajaan atau badan/pertubuhan bukan Kerajaan yang berdaftar di bawah mana-mana undang-undang bertulis bagi menangani penularan wabak COVID-19.

3. Sumbangan yang layak:

- i) Wang Tunai;
- ii) Peralatan seperti ventilator, katil pesakit, penghawa dingin;
- iii) Bahan Guna Habis seperti *mask, hand sanitizer, glove, test kit* dan *Personal Protection Equipment (PPE)*;
- iv) Perkhidmatan seperti kos pembasmian kuman & sanitasi (jalanraya, bangunan, pasar, tempat ibadat dan lain-lain), kos penyediaan tandas bergerak, kos penghantaran bekalan; atau
- v) Pembiayaan seperti penyediaan infrastruktur bersifat kekal atau sementara (contohnya: khemah/ *marquee tent* bagi menempatkan katil tambahan).

4. Pihak Yang Layak Disalurkan Sumbangan:

Sumbangan hendaklah disalurkan kepada mana-mana hospital sama ada Kerajaan atau swasta, Jabatan/ agensi Kerajaan atau agensi bukan Kerajaan yang berdaftar dan tidak bermotifkan keuntungan dan politik.

5. Pengesahan Sumbangan:

Penyumbang hendaklah mendapatkan akuan terima sumbangan berserta cop rasmi penerima bagi mengesahkan maklumat berhubung sumbangan seperti di **Lampiran I**.

6. Prosedur Memohon Kelulusan Menteri Kewangan:

Penyumbang hendaklah mengemukakan permohonan yang lengkap seperti di **Lampiran I** kepada:

Setiausaha Bahagian Cukai
Bahagian Cukai
Tingkat 6, Blok Tengah, Kompleks Kementerian Kewangan
Precint 2, Pusat Pentadbiran Kerajaan Persekutuan
62592, Putrajaya.
(U.P: Puan Mahfuzah Bt. Baharin
Timb. Setiausaha Bahagian Cukai
Sektor Galakan Cukai dan Sektoral)

Sebarang pertanyaan boleh dikemukakan kepada pegawai seperti berikut:

Talian : 03 – 8882 3349/ 4197/ 8876
Emel : mahfuzah.bahrin@treasury.gov.my;
juriani.jalaluddin@treasury.gov.my; atau
hazlan.aziz@treasury.gov.my

7. Prosedur Menikmati Potongan Cukai Dari Lembaga Hasil Dalam Negeri Malaysia

Tuntutan ke atas potongan bagi sumbangan kepada projek komuniti/amal bagi menangani wabak COVID-19 yang telah diluluskan hendaklah dibuat dalam Borang Nyata Cukai Pendapatan bagi tahun taksiran yang berkenaan. Dokumen berikut hendaklah disimpan dengan baik untuk tujuan audit oleh Lembaga Hasil Dalam Negeri Malaysia:

- a) Surat kelulusan asal oleh Kementerian Kewangan; dan

- b) Akuan terima sumbangan asal (Lampiran I) daripada Kerajaan atau badan/pertubuhan bukan Kerajaan.

Tuntutan potongan bagi amaun yang sama yang dibuat di bawah perenggan ini adalah tidak dibenarkan potongan di bawah subseksyen 44 (6).

8. Tarikh Kuatkuasa

Garis panduan ini hanya berkuat kuasa bagi sumbangan kepada projek komuniti / amal bagi menangani penularan wabak COVID-19 yang dibuat mulai Februari 2020 sehingga wabak ini diisytiharkan tamat oleh Kerajaan. Tuntutan potongan cukai pula boleh dituntut mulai tahun taksiran 2020.

Kepala Surat Penerima

No. Rujukan

Tarikh

Kepada:

Setiausaha
Bahagian Cukai
Tingkat 6, Blok Tengah
Kompleks Kementerian Kewangan
Presint 2, Pusat Pentadbiran Kerajaan Persekutuan
62592 Putrajaya

Akuan Terima Sumbangan Tunai / Peralatan / Bahan Guna Habis / Perkhidmatan / Pembiayaan Untuk Projek Komuniti/ Amal Bagi Menangani Wabak COVID-19

Saya.....No.Kad Pengenalan.....
berjawatan mengaku telah menerima sumbangan bagi
projek amal / komuniti untuk membantu menangani wabak COVID-19 seperti berikut:

Tarikh :

Butir - butir Penyumbang:

Nama :
Alamat :
.....
Telefon :
No. Fax :
No. Cukai Pendapatan:.....

	Jenis Sumbangan:	Amaun (RM)
	Wang Tunai	
	Peralatan	
	Bahan Guna Habis	
	Perkhidmatan	
	Pembiayaan	

(Sila tanda ✓ di ruang berkaitan)

2. Senarai peralatan / bahan guna habis (sekiranya berkaitan) adalah seperti berikut:

Bil.	Keterangan Peralatan / Bahan Guna Habis	Kuantiti

(Sila lampirkan senarai sekiranya ruang tidak mencukupi)

3. Saya mengesahkan bahawa projek tersebut telahpun siap sepenuhnya (jika perkhidmatan/pembiayaan projek).

4. Saya mengesahkan bahawa semua sumbangan di atas telah diterima dan maklumat dikemukakan disahkan benar.

Sekian,

(tandatangan)

Nama:

Cop Rasmi Penerima Sumbangan:

Kemudahan ini hanya terpakai sehingga wabak Covid-19 diisytiharkan tamat oleh Kerajaan